

葉文莊公奏議

葉文莊公上谷奏草卷四

吏部左侍郎謚文莊崑山葉盛存蒙

孫衡州府同知 夢淇較定

六世孫禮部主事 重華彙梓

奏爲謝 恩事近該禮部奏 准以臣前在二兩廣

殺賊獲功 欽賞鈔二千貫綵段四表裏臣深

切愧悚具本上瀆 天聰請乞辭免伏蒙

聖慈重有 成命旣不昇之矜允亦不加之譴責丘

山厚德天地 深仁臣孤露餘生齋粉莫報感

思之涕不覺自零謹嚮 闕拜跽祇受外具本

謝恩謹奏

成化二年正月初三日

題爲邊務事據萬全都司備宣府前等一十九衛
所官劉瑛等呈稱自天順元年分關到硫黃五
千斤成造火藥連年累該征操官軍領去截殺
巡哨操演及沿邊領用盡絕雖蒙摘撥軍餘採
辦焰硝緣硫黃土無出產又係應禁之物無從
收買呈乞轉達關給成造備用等因具呈到司
查得本司原關硫黃俱已量給所屬衛所各照
地方設局造辦火藥以備支用及行守備內外

官員提督掌管密切關防去後今稱疏黃年久
用盡官無收貯呈乞奏請關給等因備呈到
院會同議得宜府所屬中軍并東西沿邊俱係
通賊要路卽今大同迤西境外俱有達賊近邊
住劄在彼以寇鄰近宜府又兼地方散闊墩臺
城堡接連火砲神鎗等項該用火藥數多

合當常川密切成造如法安頓專備緊急應用
庶幾有備無虞今稱疏黃年久用盡見今急缺
土無出產無從措辦乞勅該部計議合無於
京庫仍照先年事例依數關給運送萬全都司

量給各該衛所公同守備內臣見數收掌委官
密切成造收積以備緊急應用謹題

成化二年正月十一日

題爲急缺馬草事據宣府管操都指揮等官傅巖
等備管隊官等告稱各役原關騎操馬匹累蒙
差遣巡哨防邊等項時刻不暇又去歲春夏亢
陽青草未實至秋風雹嚴霜早降禾草皆枯且
逐爬樓不勾喂飼卽自大同等處累報聲息拘
集各役在城操候聽調近又降雪深厚禾消無
處爬樓野草若不告鳴轉達關支草束喂飼誠

恐馬匹瘦損有誤征調未便等因備告具呈到
院行間續准各哨叅將等官李剛等手本亦稱
前因會同議得宜府地方去歲春夏亢陽至秋
多被風雹又兼霜早禾草乾枯無從採辦卽今
告急若不俯就下情春初青草未發軍士十分
艱難無從措辦看得各城在場穀青草束堆梁
數多年久未免腐爛不得實用伏望

聖恩憫念邊方累報聲息軍士艱苦正在緊關防禦
之際乞 勅該部從長計議合無不爲常例將
各場見收穀青草束量關兩月每馬日支草一

東相兼料豆價喂馬牒聽調遇警得以濟用實
爲幸甚謹題

成化二年正月十五日

題爲邊務等事准鎮守副總兵張瑄手本據管操
官軍等告稱蒙調前來大同截殺起程緊急又
兼家貧缺少盤纏衣鞋思得大同征哨官軍已
蒙鎮巡總兵等官會議預支俸糧三月各得銀
一兩二錢又蒙欽賞銀一兩福等比與大同
官軍事體相同告乞轉達將各役成化二年二
月三月閏三月分該支月糧預先准折銀兩給

用等因備告具呈手本到院案照先因萬億庫銀兩數少已咨該部未見運到今准前因查得本庫見在京運折糧銀止三萬三千九百餘兩及山東山西折糧等銀數亦不多本處官軍間月告支尚有不敷今旗軍趙福等要乞比例折支三月實緣庫銀數少難以准理但今累報聲息不絕誠恐有悞支給乞 勅該部量爲撥運銀兩前來貯用謹 題

成化三年正月十六日

題爲修復屯堡保障軍民事查得宣府各衛舊日築

修底冊內該奉總兵官武安侯等劄付永樂四年四月二十一日節該欽奉

勅諭屯堡務要壕塹堅深日夜遣人望高哨瞭不可頃刻少怠欽此永樂十九年六月二十七日節該欽奉

勅各處城池務要十分整理得堅屯堡務要修理得停當擺佈如法便如一座城一般朕將親來巡視欽此永樂二十年十月初八日節該欽奉

聖旨但是沿邊及各難守屯堡卽將人口頭匹盡數收拾入堅固屯堡內居住務在堅壁清野使寇無

所得必然就擒欽此臣等切惟戎狄爲患自古有之欲聲其罪狀則不可勝誅欲絕其種類則勢有未可久安長治之策惟在備禦之有其道耳
伏觀已上

太宗文皇帝 勅旨諄諄功效可見自後承平日久有司奉行未免懈怠正統十四年達賊侵犯如河間涿州等處因是城池不固尚自驚疑不守其餘屯堡不言可知臣等近因巡歷邊口詢審年高退閑見在庄屯居住軍旗人等共稱本年賊搶之時其屯堡或有牆壁稍完人畜藏躲在

內賊入雖是窺伺不敢進入亦得保全但棄家
上山者不分險易俱被搜殺慘毒難言又如近
年毛家溝達賊入境凡本庄牆壁完好者人畜
無虞無牆去處卽被慘掠以此觀之屯堡之有
益於人多矣臣等竊料虜酋卽今肆志搶掠西
邊目下各邊難保無虞操軍練馬固是本等而
脩理屯堡誠亦急務宜府一方沿邊一帶自副
總兵孫安脩復至今邇年於緊關要害去處脩
築堡子通計五十餘座俱係附近屯種軍民在
內各有垛頭敵臺撥軍相兼固守名曰拒敵堡

亦頗周至惟是四散及腹裏屯堡因循年久牆壁未完愚民習懶不爲後慮若議脩築僉謂勞人妨農不知一勞永逸且被賊殺擄較之勞一時妨一業者其輕重何如欲乞

聖明特 勅該部計議行令嚴督都司衛所屯守等官省令此等原有屯堡及庄墮去處趁此春和土融及秋成農隙之際各隨見住居民大以成大小以成小或酌量并轄俱要高築牆壁脚闊五尺頂收三尺其願有築整挑壕及申稟上司築立拒敵堡者聽各爲保障晝夜謹慎有警之

時量賊多寡或併力固守或一時解閃棄間投
入城堡庶使賊人侵境野無所掠且知有備不
敢深入亦可少紓生靈荼毒之苦其各邊并北
直隸先年原有屯堡今見有村庄去處合無一
體責成脩理謹題

成化二年正月十六日

題爲兌換官房兩便事據萬全都司呈照得本司
屬官經歷斷事司獄各司官吏共五十餘員名
原無設立公廨各於四散街市賃房住坐按月
出租頗稱艱苦又兼遠近不等往來衙門不便

多致誤事看得本城沒官房屋一所共六十餘間先該大隆福寺住持道堅奏准給寺園放齋粮查前房相連本司堪爲官吏公廨及照城北觀音寺一所房屋八十餘間先年尼僧居住東連真武廟西鄰朝玄觀墻宇相通尼僧道士往來混雜有傷清教蒙前該巡撫官移咨奏

准尼僧年少者歸俗年老者移去興教寺安住將本寺改爲公館但緣離司約五六里官吏人等往來不便難以居住久致空閒且佛像殿堂僧舍未經拆毀欲與大隆福寺兌換照舊爲觀

音寺令僧衆住坐園根其鄰近沒官房屋改爲
官吏公廨居住兩便呈乞定奪到院會議得所
呈前因緣前項沒官房屋切近都司易於關防
官吏其所改公館仍爲觀音寺別無違碍乞
勅該部計議依擬兌換彼此有用兩得利便謹
題

成化二年正月二十八日

題爲經畫邊儲事成化二年正月二十六日欽奉
勅朕惟思患預防國家至計近因各處水旱災傷賦
稅減免數多戶部已行節次議擬通行區畫去後

第恐有司視爲泛常略不究心勅至爾督同司
府官員照依戶部節次議擬淮安保定等府并兩
廣四川納米事例通行斟酌出榜召人於缺糧去
處上納以備官軍支用且爾巡撫一方則一方安
危係爾一身可不思患而預防乎凡可以安民弭
盜之術聽爾熟思審處而行之必使人民安妥盜
賊屏息斯稱巡撫之職爾當念朝廷叮嚀告戒之
意毋怠毋忽欽此除欽遵并查例出榜另行外伏
念臣本衰病庸才謬膺邊寄伏蒙 明詔下臨

竊窺

皇上宵旰焦勞之盛心臣奮激之餘繼以感泣自惟區區職分平日既無報稱茲承聖訓督責若猶隱默則臣負國之罪其何能追臣竊聞之經曰窮則變變則通言理道貴乎變通也唐虞之治蓋莫不然我朝列聖所行多亦從時損益臣一方雖小莫非王事累奉

勅旨日聽爾從宜處置日聽爾熟思審處而行之臣亦自謂苟利國家不敢避事但緣邊儲事宜委官人等類多拘守常例惴惴焉惟是畏懼該部叅駁雖欲興利除弊實難見諸行事臣謹經

蓋數事開陳未知可否伏望 聖明特 勅該
部看詳計議定奪苟利於 國亦乞從宜邊方
幸甚臣言直計愚不勝戰慄待罪俟

命之至

計開

一件以陳易新免壞草束事臣惟管理錢糧固
是煩難管草一事更無善法以其難於益藏
易於朽爛故也邊方草有二等一爲備冬馬
軍自備草不出通關餵馬半年隨馬隨了於
中則有役占懶惰有馬無草之弊一爲預備

積陳草出給通關有警方支不許擅放但緣
邊方俱係小城小堡中間上納堆垛既無京
師慣熟之人其或警急無聞軍馬不到無統
動支雖經年年補苴蓋坐見朽爛循環之
虛數尚存在場之草束無有負累收草官攢
數十餘年不得了結或告體勘燒窯糞田或
經赦宥免追免問糜費錢糧甚爲可惜前
件合無今後不拘常例以陳易新抵數收放
且如宣府在城馬軍隨馬自備草束每年不
下二百萬束秋期採打完日卽令送場上納

堆垛出給通關聽候有警支用別將遠年挨陳草內酌量抵數放支喂馬則備冬之弊可革官攢之累可免馬得飽騰草得實用新草得以耐久舊草得以支銷不致委有用爲無用公私有益經久可行

一件收糴糧料利於蓄積事查得正統十四年夏季宣府糧料二百一十一萬九千五百九十三石五斗五升今成化二年春糧數相等惟是欠少料豆二十五萬有餘合當多方措置務及先年之數及照尚書年富都御史李

秉先在宣大時將官庫銀兩或春初給發耕種之家至秋還納糧料或秋期出榜收糴納獲通關後領官銀俱隨時價定立斗頭上下利便蓄積數多近戶部因防官豪貪利作弊有例停止臣惟地方官豪不過鎮守總兵等官其各官若敢仍前作弊既有臣濫叨巡撫又有巡按御史及戶部管糧委官犯有常憲孰敢容私未可因噎廢食致悞錢糧大事但須似往年發運官銀纔可勾糴臣先已移咨具奏請乞撥銀前來未奉明降前件合無

俯就邊方發運銀兩仍照舊例許照時糴糧以爲防患蓄積之計候糴有餘糧該部查照量減山東山西艱難遠運其利不小

一件暫折遠草官民兩便事查得宣府預備積垛草束正統十四年夏季不過一百萬有零初不以爲少今成化二年春六百六十六萬七千之上猶不以爲多而恒慮其少者以嘗時犯邊賊少不動京軍今則賊屢犯邊動調京軍故也每歲坐山西納草五十萬束草束粗重難於遠運初年本處運來車摧牛斃十

分負累近年小民賣價自至宣府地方近者
本處遠不過蔚州等處買草上納州縣科歛
盤纏使用其弊已多及其既到或奸貪軍舍
或官豪勢要從中包攬其弊尤多入場之草
有數彼此之弊百端疲民不勝遠勞官府被
其攪擾今年太原縣委官能幹本縣該納草
二萬五千束每束止收雜銀四分五厘一併
封赴宣府具告令其買納極爲省便前件令
無今後前項草束行令彼處巡撫等官於本
布政司每草一束折收足色白銀四分煎銷

成錠委官送至宣府官庫交收候秋收之際
臣等酌量時價許令諸色人等先上草束納
獲通關後領銀兩若遇價高另行議添徵補
若價賤積有餘銀本庫作正支銷倘值宣府
年歉草少之時仍令徵運本色如此庶在官
在民兩得便利山西小民可以少避而草場
亦可以絕包攬之弊

一件量減鹽糧足給馬料事照得戶部先因口
外獨石等四倉急缺糧料奏開淮浙長蘆河
東官鹽共九十五萬二千三百二十二引止

因斗頭太重無人能納臣曾具奏亦已蠲減
若使有人上納亦可得糧四十餘萬今查得
自開中以來將及三年止有淮鹽上納過米
豆三萬之數其浙江長蘆河東之鹽竝無一
人告報上納訪得宣府上鹽比之大同不同
宣府淮鹽每一千引用銀五百兩以下大同
止四百兩以下蓋緣宣府軍衛地窄糧少而
產豆更少又兼口外山路險遠非大同路道
平坦地方寬闊人民繁庶之比其獨石馬營
先因宣府官軍在彼駐劄殺賊支盡料草至

今料豆十分缺少又通查宣府各倉料豆視
正統間尚少二十五萬有奇誠爲急需臣惟
商民中鹽非爲報國其心止於謀利今至
虧折資本豈肯陟險開中前件合無再加減
輕斗頭多定黑豆分數令其急於趨利於居
庸關南大同等處糴運前來爭先上納庶使
虜情不測之際萬一有警馬料充足不致悞
事

一件照舊添設管糧州官事查得宣府倉場二
十餘處正統間每倉添除衛經歷一員提調

收放三年考滿守吏盡絕起送蓋緣錢糧重
事而倉場官攢職小名輕易於挾制亦易於
自盜添一名分稍重之人互相關防最爲良
法迨尚書金濂等以各倉屬軍衛管轄作弊
多端具奏改隸直隸隆慶保安二州其經歷
改作各州判官吏目倉粮弊蠹十去四五後
經裁減近年雖爲缺官提調奏添判官四員
分投收放但每員分管四五倉道路往復動
百餘里奔走不便故放粮等候則官軍有過
時飢餓揭債之苦收粮等候則山東山西遠

遲前來有弊等弊車買草賃房經月不了之苦欲委銜經歷等官既妨本等職守又且不係守支愈加作弊查得天順五年獨石倉官攢爲包攬奸人挾制虛出通關事發都御史韓雍委郎中王育前去查盤虧折糧米一萬七千有餘切照判官吏目一員每年俸給銀布本色米不過二十餘石今以一倉官攢作弊幾至虧折邊糧二萬得失多寡較然可見前件合無仍照正統間事例戶部行移吏部每倉除授判官或吏目一員前來提調收放

其是程郊情願與莊憲會於俱縣衙收放
隨起送鄭此縣得輸糧弊必速運稱梗吏
成化二年正月二十八日

某文莊公上谷奏草卷五

吏部左侍郎謚文莊崑山葉 盛存藁

孫衡州府同知 夢淇較定

六世孫禮部主事 重華彙梓

題爲邊城缺軍守禦事准鎮守懷來叅將陰傑手
本據守備四海冶堡指揮焦玘呈照得本堡極
邊外通大小興州寶山寺等處內接黃花鎮天
壽山密雲重地先該 欽差錦衣衛呂貴具奏
節該兵部議擬奏 准定撥河南官軍四百員
名前來守禦緣本堡係新築城池工程浩大人

力募及今尚未完今照前項官軍例該三月下
班呈乞早爲撥軍守禦等因又據守備隆慶州
指揮汪溶及保安舊城千戶王曦呈先該具奏
蒙撥河南官軍包砌城垣將及下班乞爲撥軍
脩砌未完城垣保障軍民等因備呈手本到院
行間又准叅將黃瑄手本開稱所屬獨石等八
城堡俱臨虜境地方孤懸先因缺人守禦該鎮
總巡撫等官奏准摘撥河南官軍一千員名
分撥各城防守歲爲定規如雲州堡止原守官
軍一百六十餘名鵬鶚堡止原守官軍一百二

十餘名俱撥河南官軍相兼守禦若將見班官
軍放回卽今沿邊節報聲息不絕誠恐賊寇糾
集侵犯缺人防守誤事未便手本准此案查近
准本院咨該兵部議擬開河南下班官軍盡數
調往荆襄等處殺賊去後今春該班之時未得
依期赴操若將各邊見班官軍放回不無缺人
防守恐致悞事合無行令各邊鎮守總兵等官
將見班該放官軍暫且存留操備候下班殺賊
官軍事畢赴操之日就便依例放回等因奏奉
欽依該放的官軍都照例放去欽此 欽遵備咨到

院臣經通行欽遵去後今該前因會同鎮守
總兵官議得宜府所屬沿邊一帶地方外通虜
境內拱京畿其四海冶堡切近天壽山後
先因本處防守官軍分撥不敷奏撥河南官軍
在彼及照口外雲州鵬鶚等堡過年以來各因
人少亦撥河南官軍相兼備禦俱係緊關用人
防守地方且包砌城池未完今若將見班官軍
放回不得輪換缺人防守一旦有警誤事非輕
臣等濫司邊寄不敢不言伏望

聖恩憫念邊方缺人乞勅該部從長計議合無將

見班河南官軍暫且存留候下班官軍赴操依
例放回惟復照數另發京營官軍前來分撥各
邊防禦如此則邊城不致空虛有警得人固守
庶保無虞謹題

成化二年二月初十日

題爲官牛足邊久計事成化元年十月二十七日
欽奉

勅鎮守宣府總兵官都督同知顏彪巡撫左僉都御
史葉盛近得爾等奏稱查照舊例買補官牛撥與
軟弱軍人耕種今年頗有收成就將餘糧買補官

馬數多足見爾等用心邊備但此法行之既良固
宜著立定規不可輕易改廢勅至爾等宜嚴行所
屬一體遵行若有官更代亦須相沿交割明白以
爲經久之計其見在官牛一千八百餘具仍令爾
盛時常用心查點孳牧有虧損者就令設法補足
務要不失原數每年耕種所收餘糧會計見數另
項收貯行移戶部原差監督糧斛官員如數委的
當頭目收支配明白止許以爲買補馬匹置辦軍裝
等項公用不許一毫侵欺及指以答應上司耗費
爾等嚴加關防稽考不許官豪勢要之家將官田

官牛借貸占用此法永爲定例以後總兵叅將等官不許假公徇私因而沮壞違者罪之故勅欽此除欽遵外案查先爲前事已經會議備絲具

題去後今該前因會官計議查得各城堡官牛官田所收粗細雜糧從宜會計除存留今年夏秋田種子牛隻料豆脩補犁鐮繩索等用及幫貼買補倒死老病牛隻買辦軍裝等項公用其餘俱照原奏從長設法易換銀兩差人前去山西保定等處收買騎操馬共該一千七百餘匹會看明白給軍騎操外謹題

計開

成化元年分宣府各哨官田餘糧實買過兒驕馬共一千七百一十九匹

成化二年二月二十日

題爲急缺料豆事查得宣府見行事例萬全都司都指揮指揮千百戶衛所鎮撫總小旗舍人吏典知印承差犯徒五等俱照例送獨石倉納贖黑豆贖罪其雜犯死罪并杖笞罪名俱於缺草去處納草贖罪今照各處草束比之正統十四年頗多惟是料豆尚少二十五萬有餘數內獨

石倉尤甚近者雖奉勅旨榜文召人上納而邊境去處富實仗義者少至今未見告報急缺料豆措置艱難乞勅該部計議除徒罪豆數照舊外合無將雜犯死罪以下一體定立則例行令巡按直隸監察御史并直隸隆慶衛保安隆慶二州蔚州及本都司合屬衛所斷事司等衙門今後問發軍民職官旗舍吏典知印承差及有力軍餘民人等項俱令於獨石倉分上納黑豆以備官軍馬料支用候本倉勾支三年另行改撥缺料倉分上納今將各項數目定擬緣

錄聞瑣錄 題

計開

徒罪一年原納黑豆六斗石每半年加五石合

照舊

雜犯死罪原納草一千束今擬合納黑豆五斗

石

杖笞罪每十下原納草三十五束今擬合納黑

豆一石十下已上照數加納

成化三年二月二十二日

題爲經畫邊儲事准戶部咨山西清吏司案呈奉

本部送戶科抄出該臣具題思患預防等事內
一件照舊添設管糧州官事查得宣府倉場二
十餘處正統年間每倉添除衛經歷一員提調
收放三年考滿守支盡絕起送嗣後改隸直隸
隆慶保安二州將經歷改選各州判官吏目隨
經裁減去訖近年又爲缺官提調奏添判官四
員分投收放但緣每員分管四五倉道路往復
動百餘里奔走不遑放糧收糧等候不便合無
仍照正統間事例每倉除授判官或吏目一員
前來提調收放其見在判官就與註定倉分俱

照例收放滿月起送等因抄出該戶部查照明白開稱令無准擬仍行本官查議各倉收放糧草多寡某倉合除判官某倉合除吏目其見在判官合註某倉徑自具數奏請照缺銓選等因具題節該奉

聖旨是欽此欽遵移咨到院除欽遵將見在判官楊斌等量擬註定倉分其內有永豐等倉俱在各該州縣共居一城不必添官就令提調知州等官監督收放宣德等倉收糧數多合除判官柴溝堡等倉收糧頗少合除吏目乞勅該部查

照見缺倉分照缺銓選前來俱令職專提調公
同該倉官攢斗級收受根斛出給通關一體倉
書候三年滿日守支盡絕依例給繇庶得奸弊
可革經久便益謹 題

計開

直隸保安州所轄倉九處

見有判官二員

楊斌合註宣化倉

汪珪合註萬全廣積倉

永豐倉係本州在城

合縣判官五員

宣德倉

宣政倉

新興倉

萬全廣盈倉

懷安廣備倉

合除吏目二員

柴溝堡倉

直隸隆慶州所轄倉一十一處

見有判官一員

林榮合駐龍門廣盈倉

本州倉係本州在城

永寧倉係永寧縣在城

合除劍官四員

懷來廣阜倉

龍門倉

獨石廣積倉

馬營廣盈倉

合除吏目四員

長安嶺倉

鵬鶚堡倉

雲州堡倉

赤城廣備倉

成化二年三月二十七日

題爲邊城缺軍事准鎮守懷來叅將陰傑手本開
稱四海泊堡原有奏 准河南官軍四百員名

在堡城備雖皆疎道不增訓練緣彼處切近
金陵山後最爲緊要重地設若有警候事非輕
等因行間文准鎮守叅將黃瑄手本該旗軍趙
文貴等連名告稱近蒙特勅暫領河南官軍馬
匹切思各役俱係守邊守口屯田等項人數晝
夜不息吟蒙給頌馬匹雖關官草俱已喂盡每
日趁草牧放實是艱辛若不告鳴恐候哨備屯
種告乞轉達備錄手本准此及據管屯都指揮
張壽呈蒙將屯田軍餘借撥暫領河南官軍馬

匹喂養卽今東作之際誠恐有誤徵收子粒呈
乞定奪等因到院會同鎮總官查議得宣府四
海冶并口外鵬鶚雲州等處先因地方緊要各
衛缺軍節經奏准調撥河南官軍見班四千
員名前來守備近蒙取回各官俱稱缺軍固守
已經會本具奏永蒙准理又該班數內騎操馬
一千餘匹例應存留各城北因無軍領養借撥
軍餘暫令守備喂養外今照前項借撥軍餘一
千四百有奇俱係守邊守口及守城屯田之數
卽今東作正興農事已舉况值草青馬飽防賊

之際若不再行奏請定奪其於哨備及徵收錢根子粒悞事未便伏望

聖恩憐念邊方重地乞勅該部從長計議合無暫撥腹裏官軍守備前項城堡領養馬匹候上班官軍到日照舊取回庶使邊備得人謹題

計開急缺守禦并領養馬匹官軍一千四百八十八員名

四海治守禦官軍四百員名

各城領馬官軍一千八十八員名

成化二年三月二十二日

題爲脩理邊牆事照得宜府中軍并口外及東西
二路俱有邊牆壕塹等項去歲雖經脩理經年
風雨漸致頽塌淤塞數多會同鎮總官等議得
卽日土脈將融合當再行脩理除照依常年脩
邊事理量撥附近城堡馬步官軍俱支口糧各
委的當都指揮等官管領臣等酌量行令於四
月初旬分投統率一面巡哨防護一面脩築整
理務在深闊陡峻高厚堅固俟事完之日另行
具 奏謹 題

成化二年閏三月十七日

奏爲患病陳情乞 恩事臣繇正統十年進士出身歷官內外伏蒙

英宗皇帝 勅召臣於憂制之申陞臣都御史之職
皇上卽位之初又蒙進官左僉都御史 朝廷之恩
高厚弘深實同 天地臣犬馬之心雖切圖報
奈迂踈淺薄無補分毫加之寡祐莫甚於臣前
者天順七年六月臣在廣東感患奇疾九死一
生不能前赴軍前已於本年九月與鎮守總兵
等官會本具奏自來宣府又因先在獨石梁患
左腿膝風濕等病不時舉發亦於成化元年九

月具奏請乞罷免俱荷 聖恩未曾免去但臣
舊病積年精神俱耗加之風濕病症旬月一發
發時痛不可忍不能行走累該總兵等官送到
醫人膏藥等項調治終難除絕此一方鎮巡等
官下屬軍民所共知見不敢妄陳竊計宣府邊
方設有聲息必須服習鞍馬督軍出戰臣隱忍
誤事罪將何追又且臣先父母俱亡止有繼母
自幼教養今年幾七十不能隨任侍養老病艱
苦旅寓先人墓次言之痛心臣之寡祐多病無
能報 國既已不能効忠若又不陳此情忍心

書理是爲不孝有臣如此 朝廷將焉用之
此日夜憂思冒昧上言伏惟

皇上仁恩至德敷洽天下物物得所欲乞

聖恩憐憫別選賢能重臣任用將臣或依近例罷免
就閑或放回養病使得終養老母萬一病痊之

日則未死之年尚圖補報臣情事迫切冒瀆

天聽罪該萬死不勝感切祈 恩之至謹 奏

成化二年閏三月二十五日

題爲邊務事節該欽奉

勅爾等公同計議於宜府等處各選精銳馬步官軍

共五千員名坐委的當驍勇官員管領就於各城
操候至期別有勅旨調遣卽便統領前去聽所命
總兵官分布前進勦殺虜賊欽此除欽遵於宣府
并口外東西二路選精銳馬步官軍共五千員
名各委官員管領及推選得都指揮僉事江山
都指揮同知劉政俱各驍勇督領把總指揮吳
昇鄭祥吳信秦林等整點鹿角拒馬鎗等項齊
備操候聽調會同鎮總官議得前項軍馬數踰
五千沿途經過去處支領糧料禁約騷擾必須
號令嚴明庶幾人安事妥乞 勅該部計議合

無請、勅一道付都指揮僉事汪山等資捧申
嚴號令約束下人實爲便益謹題

成化二年六月初十日

題爲邊務事據萬全都司呈依奉查得先奉總兵
官過興劄付准後軍都督府咨該兵部參照行
勘舍人江成旣已鎮守提督總兵等官會議明
白除承襲父職無例難准外緣本人旣在虜中
走回諳曉虜情合無不拘常例量爲冠帶月支
米一石五斗跟隨總兵等官操備遇有警急令
其探聽夷語鄉導虛實有功之日另行奏請定

奪景泰五年四月二十四日本部官奏 准通

行將江成註本都司宣府衛中所支糧見在具
呈得此案查近准兵部咨該准臣咨據童歪頭
告係本司與和守禦千戶所百戶童聰弟先於
宣德年間被賊搶去隨同住過二十六年至景
泰四年五月內思想家鄉拋棄妻男潛走到邊
蒙鎮守薊州郁太監奏送兵部審放寧家彼時
因兄家窘雖諳弓馬不曉營生情願軍前聽用
告蒙總兵官過典等試驗得歪頭年力精壯弓
馬慣熟知識鄉導諳曉夷語堪作通事會本奏

准將歪頭收俸通事月支糧米一石五斗在邊
聽用切思歪頭緣係官下舍人要乞轉達照依
通事江成授與冠帶以榮終身備情告蒙總兵
官具奏續奉後府勘合該兵部議駁緣無巡撫
官各另具奏緣繇難便定奪行文各官蒙會議
歪頭果應冠帶別無違碍各另具奏定奪經今
一年未蒙明示今思歪頭生長邊方在邊聽用
一十五年並無纖毫誤事累差征哨不缺所支
糧米足勾養贍身家乞再轉達明降授以冠帶
隨同軍前効力補報具告移咨查照定奪等因

到部查得先該宣府總兵官顏彪奏前事已行
查勘續准吏部咨該宣府鎮撫巡撫等官回奏
前事本部查無江成冠帶事例及無軍功已經
立案今又咨前去會同鎮總等官計議通事童
歪頭如果無碍相應給與冠帶就查舍人原給
與冠帶事例備繇各另具奏定奪等因到院已
經行查去後今呈前因復會議得童歪頭虜中
走回在邊年久諳曉虜情曾効勞力向與冠帶
舍人江成俱月支糧米一石五斗別無違碍乞
勅該部計議照依江成事例給與冠帶便益謹

題

成化二年六月初十日

題爲邊務事據都指揮傳嚴備該旗軍舍餘連名
告係宣府前等衛所官旗 指揮慕昇等下舍
餘原係在官操練并幫貼官軍人數近於成化
二年三月內爲因官軍不勾蒙將河南下班官
軍騎操馬匹分給廣等領養時不摘離切各役
家口衆大竝無月糧養濟且各有本戶官軍每
年修辦軍裝每月幫貼供用又本身官馬至秋
採打備冬馬草運送官場交納尚不能完今又

重復給領河南馬匹亦要備冬草束無人採打
家貧無措重併艱難逃亡無路不能存活告乞
轉達俯念下情奏取原在宣府備禦河南官軍
前來交還馬匹庶免逼抑失所等因備呈到院
會同鎮總官查得先爲河南輪班官軍摘調前
去荆襄殺賊遺下馬匹摘那前項舍餘人等領
養節告艱難已經二次具 奏撥軍領馬備禦
未蒙 准理今照宣府見摘馬步官軍五千員
名隨軍征西缺軍已甚邊報不絕難保無虞又
打草在邇本戶官馬備冬草束尚恐負累若令

其重復採打他太馬草必致逼迫逃竄貽患邊
方伏望

聖明特 勅該部照前撥軍備禦或暫量撥京軍前
來領養馬匹採打備冬草束操守便益謹 題
成化二年六月十六日

題爲乞 恩賞賚征哨邊軍事據都指揮江山備
把總吳昇等呈該旗軍右弘等連名狀告節蒙
差調各役巡哨防邊等差今春又調大同操守
殺賊在彼住劄三月有餘今又選調前去征西
連年艱辛時不得暇切思去歲春夏亢陽至秋

霜雹田禾無收十分困苦不能存活今蒙選調
未免彼處過冬寒衣路費卽今青黃不接家道
艱難無從置辦思得先年曾蒙憫念邊軍寒苦
三年二次關給胖襖袴鞋以備禦寒之用自景
泰初年到今止是守瞭官軍關給毛襖二次各
役不蒙給賜乞爲憐憫轉達關給量加賞賜庶
得存活等因備告轉呈到院會同鎮總官查議
得近該欽奉 勅書選調馬步官軍五千員名
操候聽調已行去後今據前因查宣府邊方官
軍操哨不得休息十分艱難且去歲亢旱霜雹

早降田禾必收今旗軍石弘等所告前項艱苦
委係實情况今數千餘里遠出征哨更可憫念
伏望

聖恩垂憐征行軍士勞苦乞 勅該部計議合無不
爲常例將選調征西官軍照數給與胖襖袴鞋
仍量加給賞資以禦冬寒以資貧難軍裝路費
邊方幸甚謹 題

成化二年六月十八日

題爲邊將缺員事照得宣府原有副總兵都督僉
事張瑀近蒙 欽調大同見今缺員宣府重地

將官叅佐不可久缺看得口外獨石等城右叅
將黃瑄馭下嚴明公勤不忝西路萬全右衛等
城右叅將李剛精力驍勇累經戰陣且各熟知
地利俱有將才堪以重用但兩人聞望陞遷亦
有次序先用黃瑄後用李剛誠爲允愜公論伏
乞 聖明裁察特 勅該部計議合無將黃瑄
李剛定奪一員前來宣府協同總兵官顏彪行
事實爲一方之幸臣衰病之餘一無所長惟是
薦賢爲 國不敢避嫌隱默若有偏私罪甘萬
死謹 題

成化二年春月二十一日

葉文莊公上谷奏草卷六

吏部左侍郎謚文莊崑山葉盛存業

孫衡州府同知 夢淇較定

六世孫禮部主事 重華彙梓

題爲邊將缺員事成化二年七月初二日未時准
兵部咨本部具題該臣題稱宣府見缺副總兵
奏保右叅將都指揮黃瑄李剛俱堪重用本部
請 肯定奪一員等因奉奏

聖旨葉盛薦的這兩人固好但獨石亦是要緊去處
還着他推舉堪替黃瑄的一員來看欽此移咨到

院臣欽遵看得宜府都指揮等官如黃瑄李剛
如許寧如馬管守備蔣良又如協同鎮守指揮
張順俱熟知地利驍勇有爲並堪任用近者許
寧已蒙 朝廷特加委任 明見萬里足爲邊
方之勸查獨石委係宜府重地誠如 聖諭今
推舉得見充西路右叅將都指揮使李剛堪以
代替黃瑄臣愚無識知對越 聖訓不敢不盡
伏乞 聖裁謹題

成化二年七月初二日

題爲照例減免糧米事據萬全都司呈伏覩成化

元年十一月二十七日節該欽奉

詔書內一欵成化二年稅糧十分爲率俱免三分欽此欽遵及照屯田子粒亦蒙奏准照例俱免外切緣本都司所屬衛所并直隸隆慶等衛州縣軍民人等尚有該納地畝及佃種等田糧米俱不該載以致官糧官例後亦要徵納呈乞定奪到院叅照軍衛有司地畝佃種等糧爲數雖少俱與民間稅糧屯種子粒事同一體但係干錢糧未奉明降乞勅該部查議定奪合無通行都司衛所直隸衛州縣將成化二年分軍民

人等地畝佃種等項糧米一體照例俱免三分
庶使貧難下人均霑 恩澤謹 題

成化二年七月初七日

題爲預脩邊儲事據萬全都司萬億庫申稱見在
折糧銀共七萬八千七百三十餘兩內二萬九
千三百八十餘兩又係口外運來寄庫折草之
數開報到院查得宣府用糧浩大先該戶部通
年奏 准將浙江等處折糧銀兩每年量撥運
來收貯折糧備用今本庫見在銀兩數少不及
往年且各該城堡衛所操守等項官軍月支俸

月糧米數多不敷支給乞

勅該部查照撥運

前來貯用俟免誤事謹題

成化二年七月初七日

題爲軍儲事成化二年七月十三日據山西布政
司呈稱欽遵 勅書內事理將原坐起運宣府
草場折銀草五十萬束俱改撥榆林庄等處軍
前送納等因開呈到院公同管糧郎中張遂查
議得宣府征操馬共該二萬一千之上若有警
急每馬歲支草一百八十束今查得各場見在
止有草六百七十三萬六千六百三十五束中

聞又有年深廢壞之數今以本處馬廐言之恭
勾二年支用亦有小城小堡全無蓄積去處雖
收備冬馬草一年止足一年別無贏餘積聚其
山西原坐草五十萬束奏 准定例每束折銀
四分該送銀二萬兩前來趁時買草五十萬束
分撥各城各場收受以備支用已經節次行催
未到今據呈稱前因切宜府切近 京師緊要
地方邊情不測近日韃賊又從西路拆牆侵犯
設有不虞動調京軍前來草束缺乏急難措置
罪何所歸但恐西事供給緊迫一時又難改運

查得萬億庫見有獨石等處備折草料價銀二萬九千三百八十二兩五錢二分三厘值今秋成將畢買草在邇難再遲緩乞 勅該部計議前項草束合無不准改撥嚴限山西布政司照舊徵納或念緩不及事恐悞買草先將前項折草料銀內支出二萬兩趁時買草積梁備用仍於該布政司徵銀補還原數謹 題

成化二年七月十四日

題爲邊將缺員事成化二年七月十七日欽奉

勅旨黃瑄克副總兵協同鎮守宣府李剛克左叅將

鎮守獨石欽此除欽遵外會同鎮守總兵官議得
都指揮使李剛原係萬全右衛等處鎮守右叅
將今既奉勅鎮獨石右衛一帶亦係緊要地
方叅將不可缺人今臣等會看得馬營守備指
揮僉事蔣良素有謀勇在邊年久練達老成泥
馬營本城見有協鎮都指揮僉事李延并協同
守備王鼎二員已足任事但良係指揮職事名
分稍輕伏乞

聖恩憫念邊方重地特勅該部計議將蔣良量陞
署職加與將官名目代替李剛鎮守仍令馬營

城都指揮僉事李延不妨協同鎮守兼管本城
守備事務庶得任用合宜邊備有益謹題

成化二年七月十七日

奏爲邊務事節該欽奉

勅朕念調去延綏等處殺賊官軍艱難已將京營調
去者每人賞銀一兩并衣鞋一副其宣府調去官
軍三千員名俱照例給賞勅至爾卽公同管糧官
將彼在官折糧銀兩照數支出會同總兵等官每
人給賞一兩務要唱名給散人受實惠不許該管
頭目總領侵欺有負朝廷之意賞畢仍將給散過

官軍姓者先銀兩數目造冊奏聞其衣鞋待工部
差人送運至日給散欽此欽遵案照該總兵等官
欽奉勅已經會選各該城堡馬隊神銳官軍
共三千員名交與遊擊將軍許寧統領續該看
得懷來永寧保安蔚州等城官軍內有不堪遠
征選出千戶楊文等二百五十員名就於萬全
右衛并柴溝洗馬林二堡照數揀選精銳兌換
完足前去征進行據把總都指揮江山開具選
定官軍花名手本到院會同鎮總官并管糧郎
中將萬億庫折糧銀兩依數支出秤盤停當拘

集官軍逐一唱名給散外今將給散過官軍姓名并銀兩數目構造文冊謹 奏

成化二年七月二十一日

題爲聲息事據都指揮同知周玉呈依蒙躬親會同馬隊都指揮傅巖勘得成化二年七月二十三日早有指揮俞勝千戶劉智所管東盤道臺西中空五更時候韃賊約一百餘騎入境本臺不覺知覺至大白陽堡邊指揮祝雄等官軍對敵間有小白陽堡指揮白振等官軍并葛峪堡都指揮牛璽等官軍到來賊人退走當有副總

兵黃璫軍馬亦到來有宣府總兵官顏虎等官
軍相繼前進賊人驚遁出境比時整臺縣見邊
牆外又有韃賊二百餘騎增添駐劄差夜不收
二名溫士全吉善及管夜不收百戶郭榮夜不
收李小的總甲陳懺兒等五人分投飛報不期
中途遇見出境韃賊躲避不及將李小的溫士
全吉善三人射傷身死及有墜下送米老幼一
名馮成驢馱帶柴回還亦被傷死趕驢幼男驚
走無存及勘得自白陽堡直至迤南趙州等二
十餘堡堡門俱未曾開並無搶掠人畜結呈到

院會同鎮總查得近因盤道一帶衝要通賊重
新修築城堡添撥官軍防禦本日節據炮火飛
報賊人入境臣等隨即整理人馬星馳追截并
馳報副總兵黃瑄會合本日午未時分軍馬俱
會到邊賊人已是遠遁恐有設伏謫謀收軍回
還節據牛璽俞勝等各呈前後不一已經委官
勘覆去後今據前因臣等會議得前項賊徒多
係三衛殘賊志在搶掠去歲以來大同累次侵
犯四月間致傷官軍百餘員名今年七月忽於
宣府新立臺入寇復從水溝臺四更偷入又有

欽差發意半月之間塞外天境緣此賊向計近
邊牧放故邊臣有要功啓釁之嫌而賊遂爲鼠
竊狗偷之計卽今我邊屯堡堅完雖未得志但
犬狼奸貪條去條來其志未已養虎遺患罪在
邊臣豈容諉卸除候征西官軍回還及草枯地
凍可以窮追時月另行會議請

命搜勦及備衙副總兵黃瑄奉御張選量帶輕騎親
詣各邊逐一查點戒飭墩堡官軍就彼先行查
捉失誤瞭望旗軍人等申明號令晝夜嚴備外
參照管整臺指揮俞勝千戶劉智明知節次有

賊偷竊果經嚴符隄備乃公然安寢全不知覺
直待賊人近堡方令放砲及至差人飛報却又
委用不當致被遇賊傷死失機誤事難以輕貸
其大白陽堡指揮祝雄賊人近堡不能截殺若
非小白陽堡并葛峪堡人馬奔命前進賊人豈
得卽遁合當拿問再照把總防邊都指揮牛璽
平昔提飭號令不嚴以致俞勝等失機誤事亦
當有罪謹題

成化二年七月二十五日

題爲邊軍寒苦乞恩事據管操都指揮傅嚴備

該旗軍等連各壯健發後傷緣原選馬隊補給
等項領馬操守身役見蒙差撥沿邊各堡防守
三月一次輪換常年在邊修理長城整堡挑掘
壕塹塌窖賺坑等項時不得暇遇警出哨被堅
執銳臥雪眠霜勞苦百端不得休息因是此處
天氣嚴寒正統年間荷蒙

聖恩憐憫三年一次關給胖襖袴鞋禦寒穿用自景
泰至今一十七年止是守瞭官軍關給毛襖二
次各役一向未給切思本處山高風猛每遇隆
冬墮指裂膚寒苦尤甚又兼地僻布綿無產復

遇賊寇連年侵擾不得安生且邇年春夏亢陽
風霜早降田禾無收十分艱難乞賜憐憫轉達
照依正統間事例關給胖襖袴鞋穿用庶免失
所等因備呈行間續准東西鎮守叅將等官李
剛等亦稱前因會同鎮總照得宣府各該沿邊
守瞭并征西官軍已蒙關給不開外及查步隊
等項官軍數多臣等不敢一槩請給會議得前
項神銃馬隊有馬官軍專備緊急殺賊及輪換
防邊巡哨等項待用人數先蒙給賜胖襖袴鞋
等件年遠無存十分寒苦自應體恤今旗軍所

告情詞懇切伏望

聖恩俯念邊士乞將前項聽調官軍照例給與牌襖
袴鞋運送宣府唱名給用邊方幸甚謹題

計開宣府等城操備馬隊神銃官軍舍人二

萬一千五百六十六員名

成化二年八月初四日

是爲邊方缺官事照得柴溝堡係宣府西路衝要
極邊重地屯宿重兵專備截殺不可缺人且非
其人亦難稱職本堡守備許寧近奉勅充遊擊
將軍征西去訖會同鎮守總兵官看得兼管萬

全左衛守備奉勅協同西路鎮守張順出自
行伍年力精壯累建邊功歷陞前職膽畧驍勇
綽有可稱先次奏令分守萬全左衛一年之
間城池樓櫓百廢具興下人信服再照萬全左
衛稍近腹裏都指揮僉事楚禎原係老成官員
並堪委寄但張順係指揮職分輕微其所統屬
多係都指揮等官難於行事伏乞聖明俯念
緊關邊鎮特勅該部計議將張順量陞署職
換給勅諭令其兼管守備柴溝堡仍協同右
叅將蔣良鎮守萬全右衛等處地方便令都指

揭僉事楚禎守備萬全左衛如此庶使任用得
宜有益邊備謹題

成化二年八月初十日

題爲邊官撒放害軍事查得先該巡撫副都御史
羅亨信題稱體得宜府大同有等豪勢官員富
實軍民將銀兩布絹等物撒放與各衛所及管
隊管屯官旗分與該管軍餘每雜銀一兩要米
十石以上至八九石者有之每行使布一疋要
米一石至八九斗者有之又要車輛赴該倉上
納關領官銀入已衛所官吏與各官旗畏懼權

勢不敢阻當一槩承應撤放秋成之日其頗過者照數送還貧難者不免起利揭借糧米顧車運納軍餘受害無所控訴衛所被擾不敢聲言係干邊患臣已行各該官司將此等債負停止外切慮衛所畏懼權勢仍逼軍餘運送受苦不過定致逃竄邊境缺人守備等因具奏該都察院官覆請於正統十四年二月初七日奏准出榜張掛外經今年久又且關外地方多經捐棄榜已無存人無警戒近訪得所屬權豪勢要官員亦令管家官旗將銀兩等物妄借買賣爲

名撤放與人因有不才守備衛所等官不惟聽其指使又且乘機亦將私財混同撤放指一要十指十要百追收米豆害軍不已甚者逼使官車官牛運送私家或赴官倉交收弊難枚舉近如宣府右衛管屯指揮王杲以弟男爲名將每貼直米二升燒化紙錢做與屯軍每貼要蠟豆二斗柴一車除王杲奏提及訪察另行并通行將撤放錢債各停止外今邊方旱雹爲災人多缺食修飭邊備差役艱難如又違法非理撤放債負苦害貧軍必致衣食不克邊備不嚴亦

多繇此乞 勅都察院查議照前出榜前來都
司衛所州縣屯堡等處永遠張掛曉諭禁約除
革前弊實爲邊方軍民大幸謹 題

成化二年八月二十二日

題爲修復屯堡保障軍民事據萬全都司呈准都
指揮僉事張壽備本司咨節蒙總巡案驗會同
議該兵部奏奉 欽依內事理備行議委本職
將所屬拒敵屯堡悉行修理其應新築屯堡查
勘明白照依原議修築回報備咨通行所屬各
該守備管屯委官人等逐一踏勘遵奉今大明

又取便大以成大小以就小俱本身牆高一丈
二尺底闊五尺收頂三尺牆上梁口高三尺堡
大者築四角敵臺四座堡次等者築調角敵臺
二座每臺一座周圍八丈本身高一丈五尺梁
口高五尺上蓋敵房一間安立門戶仍要每門
上蓋門房一間勘議明白會式畫圖省令各該
委官人等嚴督所在住種之人以春秋二時不
妨耕佈修築取數在官外續該所屬衛所并所
在直隸州縣委官各稱管築屯堡俱各依式修
築完備結報到職將修築過屯堡數目備咨呈

繳到院會同鎮守總兵官查議得先該臣與總兵官顏彪巡歷邊境看得先年屯堡多有廢弛整飭邊方莫先於此成化二年正月間因查出先年纂修底冊內有永樂年間

太宗文皇帝惓惓倚重屯堡節次勅旨彼時爲照

久廢之餘一旦修復正恐惡勞習懶愚民不爲遠慮動以勞人妨農爲言以此具奏備陳此情兵部依擬覆請行令修理完日將屯堡尺寸開奏稽考幸蒙聖明諭允通行各邊一體整理當卽會官選委都指揮僉事張壽專一管督臣

等提督比較初行之時軍民之中怨謗紛紛甚至流聞京師以爲臣等勞人役衆臣等所見頗真身任怨嗟守以定力今春今秋幸已有成效除修理原舊之數不計外新築屯堡大約五百餘座俱設門戶鎖鑰就令管屯官員知管無官去處設立總甲俱有定規卽今陸續燒造磁砲分給敵臺堆垛遇警燒放禦賊愚民之怨嗟者變爲忻喜且謂屯堡不惟可避達賊卽強竊盜賊與夫狼虎皆不得入人畜之利益亦多矣又且本年七月內適有達賊累次侵犯俱到永威

堡黃土堡等處因見人畜守固無從搶掠隨即
退去此非賴 聖明 聖斷在上則臣等何敢
至此然臣等任怨任謗固所不恤但成立甚難
廢壞甚易若不請 命作一經久計慮則恐日
久年深又復廢弛前功盡棄修復尤難查得都
司周玉先該兵部具奏不妨管屯在司掌印緣
掌印官員不能摘離衙門徧歷屯所會議暫委
都指揮僉事張壽管屯巡歷所屬又且前項屯
堡正與屯種事體相因張壽不負委託晝夜勤
勞多方區畫及開導撫恤致有成功伏望

皇上俯念邊方軍民重地保障爲難特 勅兵部查

照原奏計議合無請 勅宜府邊方守臣遵守

特 勅勉勵都指揮僉事張壽令其不妨管理

屯種往來提調前項新舊屯堡六百餘座任種

軍民餘幼人等每年再於農隙之時徧行巡歷

但有牆壁缺損去處不時修飭增補或添掘壕

塹或添設器械其或生聚蕃息願添築者卽令

添築務在多方設備永遠不許廢壞其餘悉照

原奏事理遵行大抵賊寡藉以固守躲避賊衆

藉以拘那人城倉卒之際咸得保全務使賊人

野無所掠不戰自困如

大皇帝聖諭所謂必然就擒者庶免長驅無忌老稚
遭殃以弭賊頻來之患以伐賊深入之謀實爲
屯守經久保障之計除造冊備開丈尺數目并
畫圖貼說封進臣已咨行該部外謹題

計開宣府萬全都司所屬一十九衛所并直
隸隆慶保安三州永寧縣其城池二
十一處舊有修理并今奉明文修築
過拒敵屯堡共七百三座

舊有新修過拒敵屯堡一百三十一座

拒敵堡五十二座

屯堡七十九座

今奉明文修築過屯堡五百七十二座

成化二年八月二十五日

崇文莊公上答奏草卷六終

葉文莊公上谷奏草卷七

吏部左侍郎謚文莊崑山葉盛存紫

孫衡州府同知 夢淇較定

六世孫禮部主事 重華彙梓

題爲旌異事伏覩節該欽奉

詔書內一款有司果有廉能幹濟超出群類善撫人
民政有顯蹟者聽巡撫官及巡按御史該管上司
指實舉奏以憑拔擢不分三年六年先給與該得
誥勅旌異欽此除欽遵外近據直隸保安州榮恩
等屯民人王真等連名告稱本州知州俞澤持

身廉謹處事公平愛民如赤于民愛之如父母
本州人民自驚移以來復業者少聞知本官深
加撫恤復業者一百五十有奇本州原無屯堡
本官設法修築一十七座原無預備倉糧以禮
勸借粟穀一百五十餘石及初興祭祀文廟山
川社稷等壇創舉鄉飲尊賢養老之禮卽今本
官三年考滿赴部誠恐陞降別任有失民望等
因具告到院會同巡按御史展毓訪得知州俞
澤公勤能幹庶事修舉人皆信服緣本官卽今
三年考滿赴部給繇乞 勅該部查照 詔書

內事理量旌旌異以爲激勸謹題

成化二年十月初十日

題爲緊要邊城用人事照得口外獨石等八城實
爲宜府要衝而獨石尤爲緊要今看得本城見
有叅將李剛等而協同都指揮李延又遠在馬
營緩不及事其守備指揮程道長于撫綏軍士
悅服不負委任但獨石元係都指揮鄭祥守備
自本官失機之後止是指揮在彼誠爲未便况
今本邊達賊窺伺出沒不敢不爲地方之慮今
會同看得守備保安郭瑄膺力驍勇騎射過人

頗有智謀常流等及累經征戰久著勲勞而保
安稍近腹裏有警不得設施臣等切惟用人貴
當其材庶于邊備有益乞勅該部計議將郭
瑄量陞都司署職前去獨石代替程道守備其
程道就令代替郭瑄守備保安新城實爲便益
謹題

成化二年十月十八日

題爲急缺騎操馬匹事節准獨石叅將李剛等手
本據守備各城堡軍連名狀告各役原領騎操
馬匹累蒙差撥大同等處出哨及防邊架砲防

護等項騎征日夜不息不期於年月不等患病
走傷倒死累蒙上司催買切思各役所守地方
極臨邊境無處耕種不得營生差使繁冗止靠
月糧養贍家道艱難無從賠補告乞轉達關給
免致逼迫失所等因備呈到院及據中路把總
傅巖等亦呈前因會同查得宣府所屬各哨年
來達賊出沒往來截殺及差撥大同等處操守
防邊東哨西征倒損數多雖該臣等奏准設
法耕種官田買補馬牛置辦軍裝等項公用查
得上年已買過馬一千五百餘匹今歲春夏亢

賜至秋霜景田禾歉收去約所買有六千七百
百匹之數尚欠二千餘匹卽今正係防備之際
且遼東陝西達賊侵擾恐有聲東擊西異謀奸
計不可不預爲防備伏乞

聖恩憫念邊方重地特勅該部計議將見缺馬匹
照數關給聽用遇警庶無悞事謹題

成化二年十月三十五日

題爲苦害邊軍事據巡按直隸監察御史展毓呈
奉本院劄付備仰勘問等因依奉行據萬全都
司經歷司呈解犯人晉英等到院問得晉英招

係本都司保安衛右所軍見在獨石城備禦天
順八年六月內有未到官鎮守獨石等處奉御
進保不合私役今在官軍人常得興等六十一
名分作兩班號爲小伴當名色每名各置鐵骨
朵一把進保又不合私自擅置杏黃令旗五桿
紅漆令牌五面着令未到官千百戶舍餘緘忠
吳敬王俊宋昇潘昇號爲旗牌官舍各亦不合
依聽每遇下教場并整點人馬着令常得興等
懸帶張打擺列有進保又不合分付但是官人
每立站回話不齊的便着這鐵骨朵背上打若

死了不要你認等語有進保自到獨着地方又不合索要開平驛軍人任士禮等五名每日送蠟燭三對有任士禮等無處措辦每人月辦銀二錢買油蠟澆燭點用至成化二年九月終止各人共出過銀二十七兩俱是進保收接入已本年七月內有進保又不合私役獨石軍人董旭等一十一名每名月辦銀二錢馬營堡軍人王官音保月辦紵絲帽二頂劉成孫月辦箭五朋史通二等四名每名月辦狐皮四張于祖禮月辦鐵盔三頂于驢兒等七名每名月辦稻米

二斗梁穀米一斗趙雄兒等一十六名每名月
辦猪肉十斤劉添驢等四十八名捕打麋鹿鷄
免趙禧等一十六名在于東猫兒峪地方燒炭
及有馬營堡軍人王虎甘海水因無銀兩出辦
各將自己牛三隻與本官耕種有進保明知枉
法各不合收接人已賣放各軍歇役本年九月
內又進保又不合私役軍人韓春兒在閑不當
本等差役每月出辦紵絲小帽一頂有韓春兒
艱難出辦不前成化二年正月內在迤一向捉
拏不獲有進保怪恨到于赤城堡教場內對衆

喝罵各官既不與我捉拿及去宣府巡撫官處
告我等語將指揮徐福去衣用大棍責打一丈
千戶李宣責打二十總旗朱子名責打三十軍
人樊奴兒責打四十訖有朱子名爲因杖瘡舉
發本年三月初九日身死進保得知畏懼人命
事發令百戶姚淵逼令未到官百戶張原亦不
合依聽捏做傷寒病故相埋訖本年十月內進
保又不合私役軍人郭太平等一十五名各騎
本身官馬前去赤城迤南地名獺馬站等處放
鷹打圍有數內軍人畢全兒被馬跌死進保令

平戶郝得才等相埋訖成化二年閏三月內有
進保又不合差令軍牢崔友才等押送在逃家
人高寬赴開平衛鎮撫收監有高寬平昔懼怕
進保責打克惡將小尖刀一把自于頸上抹死
有進保又不合分付地方火甲鄭興等一十二
家各出不等共米八斗買板八塊葬埋訖本年
七月內進保又不合差令未到官千百戶祁俊
白貴周海蘇文軍人單六十錢聚同伊家人進
秀各亦不合依聽各領銀不等散與指揮孔源
等共散過銀八百八十四兩三錢該米豆二千

七百九十三石八斗五升共多取七百四十六
石六斗七升俱是進保散與守備指揮等官絡
與軍人等糴買就令在官車牛載送入已各處
撒放米豆已收過五百四十三石七斗其餘二
千三百石有零俱未收完成化二年月日不等
有進保又不合差令醫獸蔡仁前去各城堡緝
訪奸馬報與進保得知有蔡仁亦不合依聽強
棒并戶彭昇軍人李加加李通項三哥關道兒
秦亞兒董壯兒馬大王道安各馬一匹有進保
明知俱係在官騎操馬匹各不合強棒入已騎

用仍又不合分付各該管識字軍人趙貴等開
作倒死於內止與馬大銀一兩作變賣之數本
年月日不等有進保又不合將自己不堪騎坐
老馬五匹令蔡仁捧去龍門等衛換到操備千
戶趙英夏禮軍人杜敬先劉醜驢四驢俱是在
官肥壯好馬有進保又不合恃強抵換入已騎
坐本年二月日期不等有進保要得多取債利
肥已又不合令蔡仁并識字軍人金佛等將自
已馬九匹派與所屬城堡千戶夏禮等軍人張
鐵驢等共馬九匹共賣銀一百一十兩止該賣

銀六十六兩于內多取銀四十四兩入已本年
閏三月內有進保又不合私役軍人郭來僧等
在獨石城等地方侵占官司地八十七頃二十
五畝四分役軍牢小伴當及各色人匠管種
莊田等項共五百二十五名實情有樊奴兒又
不合添捏虛詞混同具狀赴巡撫都御史葉
處告發轉行巡按御史行提晉英等一千人證
到院再三研審許出前項虛實情詞尤恐不的
又蒙行委本司都指揮周玉傳巖親詣各該城
堡逐一審勘相同取具官吏委官人等不扶重

甘結狀回報在卷有進保自知情犯深重又不
合節具手本開稱周玉傳嚴體勘前情俱有公
論中間多係指托本職名頭四處生事擾人至
今事發方知用人不當以招其禍煩請隨宜定
奪免致舉 奏等因轉行到院除將晉英等審
勘明白羈候外備呈到院查得節該欽奉

勅諭若內外官員及權豪勢要之人有沮撓屯種等
項者審勘的實具實奏聞處治爾爲風憲重臣毋
得畏避權勢負朕重託欽此欽遵通行外近據被
害軍人樊奴兒告前事已行勘問去後今呈前

因參照鎮守獨春等處奉御進保猥以庸庸遭逢聖世荷蒙寵任鎮守一方正當夙夜寅恭以盡乃職顧乃恃恩玩法大肆克頑挾詐懷姦擅作威福偽造令旗令牌一十件借用鐵骨朵六十把出入擺列虛張聲勢懷私讐而故將平人捶死逞私忿而逼死無辜家人廣占莊由人爭餘頃多役軍士五百餘名強要官馬捏作倒死數目撒放銀兩多取價利肥己打擗打鹿致邊軍死於非命辨肉辨銀逼軍士往往在逃衆心嗟怨莫敢誰何邊備墮廢實繇於此似

此貪饕兇狠之徒於律合當究治及照開平等
衛千戶祁俊白貴緝忠百戶周海蘇文吳敬張
原各亦不合阿附權勢助彼爲惡倚仗豪強靡
所不爲所據各官亦合拿問謹題

成化二年十一月二十三日

題爲分俸養親事照得臣有繼母封太淑人沈氏
在原籍直隸蘇州府崑山縣依傍墳塋居住年
幾七十老病動履艱難不能就養乞勅該部
照例行移南京該衙門知會仍行令該縣將臣
該支俸內本色糧米自成化二年正月初一日

爲始每月至府內奉縣儒學官倉關表養膳
以全太子之私私其不勝感思之至謹題

成化二年十月五日

題爲考滿事照得臣見第四十七歲直隸蘇州府
崑山縣人蹕正統十年進士正統十二年四月
二十七日欽除兵科給事中歷陞本科都給
事中景泰三年三月初六日欽陞山西布政
司右叅政奉勅於獨石等處協贊軍務至景
泰六年四月初十日該從三品三年考滿又至
景泰七年十一月十二日又歷俸二十個月零

三日聞父喪守制天順二年三月十四日奉

勅起取赴京本年四月初十日 欽陞都察院

右僉都御史巡撫廣東廣西仍支從三品俸後

奉 勅贊理軍務後又奉 勅巡撫廣東天順

五年三月初十日該正四品三年考滿天順八

年二月初九日該正四品六年考滿俱歷從三

品俸本年八月十四日蒙陞今職九月二十日

又奉 勅巡撫宣府衛石等處成化二年十二

月十二日蒙 恩仍舊支從三品俸今扣至成

化三年正月初九日歷任正四品九年考滿例

該前赴吏部聽候奏請緣因具奉

勅在邊巡撫未敢擅便謹題

成化二年十二月二十五日

題爲謝恩事准吏部咨該臣具題錄進士歷陞兵
科都給事中景泰三年三月蒙陞山西布政司
右叅政至天順二年三月陞都察院右僉都御
史仍支從五品俸天順八年八月陞今職今扣
至成化三年正月初九日正四品九年考滿例
該赴部等因該本部官欽奉

聖旨准他就彼考滿着復職照舊巡撫該部知道欽

此移咨到職伏念臣本孤陋庸愚久叨厚祿謬
忝臺官拙鈍無補奄及書滿之期又復蒙 恩
免臣造 朝俾仍舊職感 恩有自兢惕愈深
除欽遵管事及望闕謝 恩 外謹 題

成化三年正月初九日

題爲邊城節次打死人命 請乞定奪事據守備
獨石指揮郭瑄呈准把總保安衛指揮馮鑑等
手本據管隊百戶張雄等呈備孫氏告係本衛
左所軍人顧阿孝卽顧俊妻有夫顧俊于成化
三年正月初八日被鎮守本城內官進保使令

軍宰霍五等來窈將夫顧俊掇入宅內囑令煎
項軍牢將夫去衣毒打四十大棍攙扶到家臥
炕不思飲食日夜聲叫不止與氏言說因赤城
軍人樊奴兒告發進保事情未曾掩飾盡行開
報體勘官處以此挾恨責打至二月二十六日
卯時棒瘡舉發兩腿肉盡氣絕身死遺氏在營
孤苦無倚切進保生事暴橫無狀將夫打死乞
爲轉達辨明庶不屈死無辜等因備告具呈手
本轉呈到院除軍牢另行外會同鎮總等議得
進保自被樊奴兒告發之後徃徃挾讐打傷官

軍數多口外邊城重地人心驚懼倘有激變不測臣等難逃罪責伏望

聖恩憫念邊城重地早賜定奪處置保全軍民謹題

成化三年二月二十九日

題爲繫關邊境用人事照得宣府西路內柴溝堡實爲萬全左右懷安新河口洗馬林西陽河一帶喉襟重地東接宣府中軍西連大同天城陽和地方地稍坦易先年達賊累從此處入境近日拆牆攻塹窺覘尤甚必得謀勇將官職專操

守巡哨廩幾緩急有賴會同議得見充延綏巡
哨遊擊將軍許寧原在本堡守備驍勇有爲人
心信服戰守方畧成績可觀實堪委用伏望

聖明俯念邊境要地需人特 勅該部計議合

無候延綏軍回之日請 勅本官令充遊擊將

軍不妨鎮守柴溝堡往來巡哨凡事仍與鎮守

總兵巡撫叅將等官計議而行有警行事其宣

府西路官軍悉聽本官會合調遣務圖成功以

副委託如此則虜賊不測之患庶乎有備邊方

至重之地庶爲得人謹 題

成化二年三月十七日

題爲修理邊堡牆壕事照得宣府中軍并口外及東西二路俱有整堡邊牆壕塹等項去年雖經修理但一年風雨之後猶恐頽塌淤塞數多會同議得卽日土脉消融合當再行修理除照常年修邊事理量撥附近城堡馬步官軍俱支口糧各委的當都指揮等官管領臣等酌量于四月初旬分投統率一面巡哨防護一面修築整理務在深濶陡峻高厚堅固完日另行具奏

謹題

成化三年三月二十三

葉文莊公上谷奏草卷七終

葉文莊公上谷奏草卷八

吏部左侍郎謚文莊崑山葉盛存藁

孫衡州府同知 夢淇較定

六世孫禮部主事 重華彙梓

題爲緊關邊城用人事照得口外獨石馬營二城
堡係極邊重地馬營堡已有守備張壽協同王
鼎布置已定惟獨石城止有守備郭瑄而協同
官員尚缺會議得卽今虜情不測用人爲急指
揮使郭瑄曾經臣等奏保本官膂力驍勇弓馬
慣熟累經征戰久著勞績材堪陞用未蒙 准

理及看得征西提總臣回龍門衛指揮使吳昇
亦堪委用乞 勅該部計議伏望

聖恩俯念邊方用人將指揮使郭瑄量陞都司署職
令其照舊守備獨石其指揮使吳昇協同本官
守備管事庶使地方得人戰守無悞謹 題

成化三年四月十三日

題爲急缺騎操馬匹事據延綏等處巡哨回還把
總都指揮江山等備管隊千百戶呈該旗軍連
名狀告成化二年七月內蒙差各役跟隨遊擊
將軍許寧前往陝西延綏等處巡哨殺賊月日

不等在子樺林溝二眼泉澗等處追殺賊寇原
領馬匹俱被走傷倒死具告相驗明白見今隊
伍缺馬騎操乞爲轉達關給有警不悞調用等
因到院及查得先准兵部咨該等會奏關給
馬匹本部議擬奏准除槽下倒死照例追補
外所據對敵出哨防邊架砲等項倒死馬一千
三百八十五匹旣已結勘明白合准關與但見
在寄養馬匹數少合無酌量關給行太僕寺選
取堪中馬八百匹行令臣等摘撥空閑軍餘前
來關給仍斟酌地方緩急俵與緊關無馬官軍

領養騎操其餘五百八十五匹仍行被處巡撫
官員查照奏准事例召商中納鹽馬及聽人納
馬官帶就彼陸續給軍騎操仍將給領過井中
鹽冠帶馬匹同領馬官軍姓名通行造報等因
在卷今又告前因會同鎮總議查得前項該關
馬一千三百八十五匹止關訖八百匹其餘五
百八十五匹一向召商中納鹽馬及聽人納馬
冠帶至今半年並無一商一人上納已經備繇
回報戶兵二部外今延緩等處出哨等項征傷
倒死之馬又不下五百匹若不奏請關給邊

軍連年征哨艱難困苦旣難賠補虜情不測緊
關用馬將何措辨伏乞

聖恩憫念邊方重地特 勅該部計議合無將前項
未關并征傷倒死馬匹照數關給騎操庶使邊
方軍馬得用緩急不致悞事爲此開坐謹 題
成化三年四月二十一日

題爲修省謝 恩事節該欽奉

勅地道屬陰陰者兵象也夷狄象也爾等所職者兵
所當攘却者夷狄然而兵備怠弛不修以致夷狄
侵侮無所顧忌今者地震正在爾等所守之處其

咎得不尤在爾等耶自今其存恤軍士無得科歛
役占屯田荒蕪戰馬瘦損宜加耕墾餵養無得侵
爲已業掩爲自己畜產墜塞傾缺關隘倒塌宜趁
時修築補完武藝未精熟宜趁時操練以爲禦寇
之計無得徇私忘公因循度日爾等失今不圖事
至之時而後圖之亦何及哉朕非不常時告戒爾
等然恬不介意今天地譴告而爾等猶不悟豈不
慮罪之將及耶勉補前過勿貽後悔欽此欽遵照
得成化三年四月十二日與五月初八日有前

項地震臣等久負

國恩上懼

天戒省躬思

過不敢掩匿隨以修省飭備緣繇具奏外今
蒙前因臣等伏讀聖訓諄諄懇懇丁寧告戒
之詞有以見

皇上宵旰焦勞克謹天戒及保全臣下之盛心臣
等曠官苟祿之深咎憂危戰慄如涉淵氷心切
感恩人思効死敢不夙夜省愆愈益詳慎改
圖加勉以副宸衷除通行闔屬一體修省外
謹題

成化三年六月初八日

題爲邊務事准都督同知鮑政手本節該欽奉

勅爾政所統官軍五千仍於宣府照舊操備遇有警
急會合彼處官軍相機守禦俟達賊遠遁邊報寧
息爾與彼處鎮守等官公同計議具奏定奪欽此
欽遵會同議得宣府中軍自本年五月十五日
具 奏人馬聲息之後至今不見達賊人馬近
邊雖窺伺出沒旦暮難料但軍士在外日久卽
日瞭無聲息況守邊久計樽節糧草爲先所據
京軍在邊照舊操備一節伏乞 聖裁謹 題

成化三年六月十二日

題爲邊情保任官員事據萬全左衛左等所旗軍

姚海等連名狀告照得本衛東至居庸西抵大同孤懸衝要處所先年凡遇往來進貢虜使及一應軍需等項因無措置俱各科派該管官員又不奉公守法以一科十糧賞不得食用軍餘受害飢寒所逼以致逃竄抑且城池樓鋪公館等項俱各倒塌諸事廢弛軍餘不得安生近蒙鎮守巡撫等官奏准行令協同鎮守指揮同知張順到衛兼管以來幹事公勤善能措置差役均平下人無擾城池公館修整一新人皆受惠切思萬全左右等處係緊關衝要地方本

官係協同鎮守官員尚係指揮職任各城難以
鈐束都指揮守備等官累次告保未蒙明示卽
今正在防秋乞爲轉達奏請將本官量陞畧
職下人有望等因具告到院會議得卽今虜情
不測防寇時月正在用人之際其協同西路右
叅將鎮守指揮同知張順曾該臣等奏保本官
年力精壯膽畧驍勇材堪陞用未蒙准理今旗
軍姚海等又告前因緣西路一帶委係緊要邊
方所屬各城多係都指揮守備本官係協鎮官
員止是指揮職事實難統束緩急之間恐悞調

度伏望

聖恩俯念邊方重地特 勅該部計議將指揮同知
張順量陞都司署職照舊協同右叅將鎮守西
路地方實爲便益謹 題

成化三年六月十六日

題爲災傷事節據萬全都司備宣府左等衛呈稱
左等所屯田軍餘李思議等各狀告稱所種夏
秋田苗成化三年六月日期不等天降水雹盡
行打傷水淤無存備呈又據宣府前等衛屯田
軍餘王成等各告自春耕種子在地久旱無雨

出土者少間有禾苗焦枯不得滋長又據本
都司呈准管屯指揮李綏咨據宣府前等衛指
揮孫鎮等呈稱屯田軍餘各告所種各色青苗
春夏無雨盡行旱死及于六月日期不等又被
暴雨狂風吹打漂衝淤泥俱各無存時已交秋
不能翻種晚田各役該納子粒等糧無從措辦
告乞轉達分豁等因到院叅照節次呈申屯田
等項災傷合行委官踏勘除行本司委官公同
各該衛所管屯官員前去屯所拘集原告指引
地段逐一踏勘如果被災是的徑自從實備開

山禾頃畝該免糧草數目造冊具

間若有輕災及該趁時翻種晚田督令

設鋤種外謹題

成化三年七月初一日

心
務事准

左右將都督同知鮑政手本節該欽奉

爾政所統官軍五千員名仍於宣府照舊操備遇
有緊急會合彼處官軍相機守戰俟達賊遠遁邊
報寧息爾與彼處鎮守等官公同計議具奏定奪
欽此欽遵外續該宣府總兵巡撫等官并本職具

奏節該兵部核 奏合無將都督同知鮑政所
統官軍五千員名仍存在彼以防意外之虞惟
復取回以節糧儲之費等因具題節該奉

聖旨待聲息寧靜時來說欽此欽遵節據五軍三千
神機等營把總都指揮陳善等呈該所領官軍
內告稱多有先調荆襄征進回還不及一月又
蒙調來大同殺賊及又該下班人數未及替換
離家日久俱各衣鞋破碎等因况今宣府地方
自七月以來並無瞭報聲息而前項官軍告告
懇切手本會議施行等因到院會議得宣府東

西沿邊自七月以來委無報到聲息差人出境
孤探亦無人馬踪跡所有前項官軍告係下班
人數及荆襄纔回又調大同殺賊在邊日久等
因亦係實情謹題

成化三年七月十九日

題爲邊軍寒苦乞恩事准鎮守左叅將李剛手
本據守備郭瑄等呈該旗軍連名狀告本處係
臨極邊切近虜境所守沿邊長城崖壕城堡等
項數多邇年被雨淋漫坍塌每年自四月興造
至七月終尚未報完就督下場採打備冬馬草

况兼常川差調隄防追勦春夏衝風冒雨秋冬
臥雪眠霜被堅執銳時無閑暇又兼地方寒苦
先年備邊軍士三年一次關給胖襖褲鞋禦寒
各得保全身命自景泰初年至今未蒙給賞又
無人丁營運平居若無銳氣遇警豈能盡力况
本年六月內連降驟雨冰雹風氣寒凜山水泛
漲致將軍餘唐三等二名衝死及七月二十日
又遇寒風冷雨凍死樵採軍餘王伯榮等五人
夏秋尚然冬寒可畏若不告乞轉達賜給胖襖
鞋褲禦寒穿用邊軍必致失所等因具呈到

議查宣府各城除屯田官軍六千九百五十員
各各驛走遞并局匠庫斗等項二千八百六十
四員名雖係邊軍恐碍數多不開外其前項操
守馬步神銃等項官軍專備警急殺賊及輪換
防邊守瞭巡哨架砲等項緊關得用人役比衆
不同臣等先據各軍具告累經會議奏請未
蒙關給今旗軍等又告前項寒苦艱難的係實
情伏望

聖恩俯念邊方特 勅該部計議將前項緊關聽調
操守官軍照例給與胖襖褲鞋運送宣府等處

唱名給散禦寒寧用實爲幸甚謹題

成化三年八月初四日

題爲邊務事照得廣昌守禦千戶所城雖隸宣府
遠在蔚州內有山西大同府所屬廣昌縣軍民
雜處又兼代州一帶通年京軍經過必須守備
得人方稱委任會議得前委指揮孫冕已經黜
退後委指揮宋質材力不堪而本處別無相應
官員今會推得宣府前衛把總指揮使高寧弓
馬熟閑練達邊務才堪守備乞勅該部計議
旨令指揮高寧守備廣昌所城其宋質把總管

理隊伍便益謹題

成化三年八月初十日

題爲邊務事照得宣府懷安城係與大同天城接
境內有懷安保安右二衛口外龍門千戶所城
接連獨石馬營俱係極邊要害城堡用人守戰
地方今各城俱止守備官一員而協同守備員
缺倘遇有警誰爲出戰誰爲守城恐有不敷誤
事臣會看得把總管操指揮張纓于昇俱各年
力精壯弓馬慣熟堪以守備及照把總指揮吳
信近日跟隨遊擊將軍許寧征西回鎮有許寧

檄稱吳信驍勇膽畧果敢當先衆所不及乞

勅該部計議合無行令指揮張纓前去懷安城
于昇前去龍門所城俱作協同守備官其指揮
吳信前去柴溝堡遊擊將軍許寧處把總管督
本堡人馬操練聽許寧調度殺賊實爲允當謹
題

成化三年八月二十四日

題爲陳言邊務等事臣以至愚待罪邊方濫預臺
職十年于茲顧瑣瑣事功無能效報衰病之餘
似忘言責仰惟

上有大聖之寶有孝七 德有制

敬 天法 祖之誠其於調和

親崇賢良疎遠邪佞豫防逸欲

又新宵旰圖治安養軍民委任亞丁

筵以緝熙 聖學日再 臨朝以躬

天心之所在人心之所欲 祖之

已効者必悉舉而無遺矣臣今畧陳

條例上陳太馬之心芻蕘之見伏望

其迂腐而察其願忠俯 賜採納

戰懼俯伏俟 命之至謹 題

計開

一件優恤被虜走回人口事照

走回被虜男子在虜年久或頗知

奏送赴京送審畢御馬監驗充勇

廝若貌陋軟弱不堪發回原籍應當

差役係是見行事例臣惟被虜走回之人

俱吾赤子邊臣不能保障以致被虜連年

陝西等處被虜人口不下萬計多有父母

妻子已被殺死孤子一身沒入腥膻之地

捶打使令百般苦楚故思慕中國

回聞有走至中途被賊捉回殺死其走回者百中一二耳今者發回應當差役倘遇軍衛有司不知艱難不加憐恤差役煩擾愈加苦楚致其自悔逃回甚者狡黠之徒能覘虛實復走虜地因而作孽若宋范仲淹之才智尚致張元昊吳昊叛歸西賊亦不可不爲之慮再照走回人口間有拐帶馬匹回者因無定例多令隨同送京或因走傷中途倒死更爲累負公私無益前件乞勅該部計議合無今後聽其自行貨買盤

纒或令所在官司價買給領騎操艾蒲其
走回人口不堪充勇士者沿途給與口糧
通回原籍該管官司識認完聚除糧稅征
操正差外免其終身雜泛差役庶使再生
之人知感天恩而被虜之人聞風而歸矣
一件申明奉行養老 恩詔事伏覩天順元
年正月二十一日欽奉 詔書凡軍民年
八十以上者所司每年給與絹二疋綿二
斤米一斗時加存問欽此天順二年正月
二十八日欽奉 詔書凡民年七十以上

者免一丁差役有司歲給酒十瓶肉十斤
八十以上者加綿二斤布二疋九十以上
者給與冠帶每歲設宴待一次欽此欽遵
但緣宣府係軍衛邊方邊儲之外別無措
備所司一向奉行未至今年官牛官田夏
糧熟後會同鎮守總兵等官查出同年之
人奉行 恩詔據萬全都司呈送軍餘老
幼一千名之上除八十以下不論外數內
王貴等九名俱年九十歲姚旺九十一歲
倪本等三名俱九十二歲陸敢孫九十三

歲陳三九十四歲許和葉平趙魁俱九十
五歲杜敬禮九十八歲緣各人係屬軍衛
未曾冠帶臣伏讀 明詔見

皇上繼志述事上體 先帝之心而孝養 兩
宮推及天下所謂老吾老以及人之老盛
矣哉 聖心之純孝也今宣府邊城一方
有九十以上者十九人內九十八歲一人
要亦稀有之事天下之大若此多矣尤足
以見 祖宗仁厚之澤涵煦之深生此人
瑞伏乞 聖恩特與照例凡年九十以上

者不分軍民一體冠帶使天下之軍衛有
司高年耆老 均霑 恩典誠亦 皇

明百年盛事之一也伏候恩旨

一件旌勸大臣事照得前鎮守宣府總兵官
永寧伯譚廣逮事

太宗皇帝功在漠北時號譚家馬

仁宗皇帝命守宣府二十餘年邊境寧謐修理
邊防遺跡猶在後人得以因而整飭且其
公忠寬厚識達大體謹壇壝之祀崇學校
之政至今兒童婦女皆知其爲賢將然未

聞本官得有此處因而有志於此
目所及舉其一二如廣西都督山雲浙江
都督許亨寧夏都督張泰等皆有賢名皆
不知其後何如又如政事文臣中純誠朴
忠如王直胡濙高穀等清德正學如儀智
薛瑄楊翥吳訥等風節凝峻如錢習禮李
時勉等廉恭體國如師達古朴顧佐王質
魯穆李棠楊信民軒輓王守等公勤才望
如金忠張本魏源張駿羅汝敬劉中敷鄺
楚王佐王色侯璉徐琦王士嘉李嘉段民

陳璉焦宏金問薩琦王恂張鳳沈翼年富
賈銓等監學模範如胡儼陳敬宗吳溥等
他如魏驥陳泰李敏馬謹等未知存亡要
皆恪盡臣職出於流輩又有歿於王事有
足矜念如都御史等官鄧棨等亦皆未知
其恤典之詳洪惟我國家有道之長盈
百年矣仁賢輩出中外大小皆有其人臣
寡陋之下不能悉知惟譚廣之賢後來將
臣勲績未居其上不得世襲至于文臣

先朝曾有贈諡除敘者雖曰一時特恩寔

皆可行慶典。朝廷若欲舉行。不祇
未行之盛典。凡係文臣。見任三品以上。官
俱得遣子入監。其卽唐虞三代。敬體臣下
之盛心。思盛渥矣。臣竊聞古人云。死忠
日是。非乃定。見任官員。勞績未極。是非賢
否。未可前期。尚蒙異典。旣死。諸臣未蒙旌
勸。恐非。聖明優禮大臣之心。前件伏請
聖裁。特命儒臣。緝閱累朝紀載。或斷自
宸衷。定立程期。大集廷臣。博采公議。內除
贈謚。隆敘已備者外。其餘論其行能之大。

亦勞績之淺深歷年之久近取其衆所共
知名實昭著之尤如譚廣玉直等武臣或
襲或贈謚或另選用子孫一人則將門有
將未必無人文臣或贈謚或陰敘或選其
子孫一人入監或俱令自陳定奪將見漢
晉之報功至及蕭何羊祜之妻唐太宗特
官屈突通張道源之子不得專美於前朝
行之衆觀必激發爲勸多矣

一件書籍事臣近見武經總要四十卷者宋
仁宗命待制等編定宰臣丁度成

之其爲書兵

名儒故事十五卷

列國以至于宋兵家成敗將士得失皆在焉俱有據依非他書比誠兵將所不可不知者朱熹亦嘗歎下此書以教武舉抑以詩書禮樂之將固有其人然備材以爲他日之用必先教養乞勅該部計議請命儒臣看詳此書畧加較定刊刻模印分給武學官舍人人講習流布中外誠亦兵戎之一助也又惟大學衍義一書字字著龜言言珠石儒臣進講之餘聖心默

所得多矣臣以爲今日之事人所知莫先
於攘夷尤莫先於弭災然義所載辨人
材恤田里正綱常勵風俗如此等事聖
之法固在其中其所謂修己之敬事天之
敬遇災之敬則弭災之道又無不備凡此
皆今日所急況又伏觀 五倫書所載
太祖皇帝命侍臣書此於新城內殿兩廡壁間
曰前代宮室多施繪畫于用此以備朝夕
觀覽豈不愈于凡 乎又聞

仁宗皇帝監國時

翻刊間賜

皇上祖宗家法伏乞

神留

簡會士頒著板或別行翻刊賜及羣臣將
欣戴聖恩感化善道賢者加勉不肖者
革心可以使得知輔導之方可以俾變中常
之質亦足以表古人爲君爲臣皆不可不
知大學之深意

皇上之盛德大業無窮期矣

成化三年八月二十八日

葉文莊公上谷奏草卷八終